



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Не зашмаряйме старой приодівы.

Напевно не оден с читателей повіст, же ніт змысла писати о таких річах, як приодіва. От, каждый одіват тото, што ся му подабат и ест добре, — о чом ту писати.

Однако, коли призадумаме ся над тым, ліпше, придеме до переконання, же приодіва отграват велику ролю в организационном житю людей. Штож инше, як не одеж ест основом организационного житя войска?

Недаром в каждой армии точно определяють, як має выглядати мундур и перестерігають, штобы каждый вояк был одітый ведля припису. Мундуры вводят также в школах, полиций, граничной стражі и урядах, бо уважають, же уж сам мундур будит у других поважанє, а самых тих, котры носят мундур, примушат до шанованя своего уряду. Мундур отже лучит людей того самого заводу и причинят ся до их организации.

Таким мундуrom для хлопа ест гуня, чуга и друга старосвітока приодіва. Хлоп, одітый в гуню, жена в кабаті, представляют ся всім, кто их лем видит, же сут газдами, властителями грунту и маєтку, а не якымаси пройдисвітами и бездомныма волокытами.

Бесідуячи с людьми на тоту тему, чул я и таке, же гдеякы не носят гуні, лем сурдут, бо як сут в сурдугі, то им бесідуют „пане“, а при гуні „газдо“.

Тым можна лем одно сказати, же тепер так ся приняло слово „пан“ же на правду ніт, як то гварят, „кому свиней пасти“. Все паны и паны! И так пан босый, пан обдертый, пан полатаный, пан джуравый, пан дзяд, пан ошует, пан цыган, пан злодый и т. д., все лем пан и пан, так, же правдивого пана може тото аж и разити.

Прото тыж назва „газда“ або „господар“ не лем ест отвітнійша, але и почетна, бо она уж сама собом бесідує, чим ест носячий тоту назву. Назва тота означат, же то ест правдивый пан, котрый має свой власный маєток и котрого тяжкий труд приносит хосен другим и державі.

Штобы того правдивого пана (хлопа) не мішати с „панами дзядами“, повинен он носити свой мундур — свою народну одеж. На

тоту одеж складають ся холошні, гуня и чуга, боганчи и шапка, або капелюх.

Одежи той ест по наших селах штораз меньше, але она ище не загинула цілковито. В каждом селі ест ище пару хлопков, одіваючих ся в старосвітку приодіву. От них повин-

ни други брати примір и дати пошити собі такы самы гуні и холошні. Стає ся тото тепер можливе, бо населенє гор повертат до хову овец и приходит до власной волны.

Треба лем позбыти ся фальшивого стыду, а прийдеме зас до дешевой, доброй и красной приодівы, котра отличит хлопа от ріжных „панов дзядов“.

—оОо—

РЕФОРМА ШКОЛЬНА.

Министер Народного Просвіщеня подписал ряд роспоряджень относительно зведеня в жите загалной школьной реформы в 1937—38 року школьном.

С днём 1. вересня повстане оден новый округ школьный, так, же буде их разом 9. Министерство выговорило уж спис приватных гимназий и школ, котры достали права школ державных. В цілой Польщі ест таких школ 720.

В гдеяких лицеях, меже иншими и в пе-

дагогичном будут понижены оплаты школьные. Добре учачи ся ученики могут также достати знижку школьной оплаты або аж и могут быти от ней освобождены. Знижки достаут также сыны заслуженных военных, инвалидов и т. д.

Реорганизованы будут также школы фаховы. Будут введены новы 3-клясовы фаховы школы низши для тех, котры окончили школу всенародну 2-гой и 3-той степени.

—оОо—

Дальши аресты в России.

В России арестує ся дальше масу людей, занимающих розмаиты становиска и клеймит ся их назвом „врагов народа“.

В последном часі газеты доносят о числен-

ных арестах в трусті нафтяном. Газета „За Индустриализацию“ подає, же в нафтяном трусті уж от 10-ох літ была ведена акция шкодлива, котру аж тепер удало ся уявнити.

Палестыну маюť поділити на три части.

Правительство в Англии постановило уж поділити Палестыну на три части: **арабску, жидовску и мандатову**. Як доносят газеты жидовскы, поділ тот має представляти ся слідуячо:

Держава жидовска в Палестыні обыме цілу Галилею, Ерек Езрейль, а также ровнину vzdolж моря Середземного. Пристань Гайфа припадат жидам. Терен мандатовый буде обнимати Єрусалим, Вифлєєм, Назарет и утвореный корытар, котрый получит Єрусалим с портом Яффом, котрый однак буде портом арабским.

До державы арабской має належати решта Палестыны.

В виду того, же поділ тот буде вымагати

перенесеня многих родин арабских, правительство англицке ухватило признати правительству арабскому 2 милионы фунтов штерлингов на кошты перенесеня.

Провкт тот не принал до вподобы ани крайним националистам арабским, ани сионистичной организации жидовской. В Палестыні протестуют арабы, в Европі жидаы. Арабы грозят борбом с властями и войском В. Британии, жидаы розвивают агитацию в газетах и дыпломатичных кругах.

Незадоволенє ест-выкликане віроятно тым, же місца свята, як Єрусалим, Вифлєєм и Назарет выключено с держав, так жидовской, як и арабской и отдано под мандат Великой Британии.

Пренумерата в краю:

30 грошей місячно,
80 „ „ квартално,
1.50 „ „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ стороны 60 зл., $\frac{1}{4}$ стороны 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошеня малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знижка.

Конт.о. чеков. Нр. 404.155.

ПОЛОЖЕНЕ В ИСПАНИИ.

Бои в Испании не устают. На фронті Гуадаляра войска правительственны посунули ся о 1/2 кильметра на запад от дороги арагонской.

На фронті середным не приходило до важнійших боев. Республиканска артиллерия остріливалла повстанчи позиции недалеко дороги с Естрамадура до Карабанхель.

На полудневом фронті правительственна артиллерия бомбардовала Толедо и окрестность. На фронті Харама пануе праві цілковитый спокой. Атаки повстанцов сут праві повздержаны и тепер акция ограничат ся там лем до дробных борб патрулей.

—000—

Отпружене на Далеком Выході.

В попередном тыждні здавало ся, же война меже Совітами и Японіом ест неминуема. На Амурі пришло навет до боев меже войсками совітскыма и манджурскыма и совітскы войска заняли острова на Амурі.

Совітскы войска выцофали ся однако уж с занятых островов, але Совіты маюť дальше претензию до тых островов и терытории Кан-Шан-Тцу и тому конфликт тот буде рішений в дорозі дыпльоматичной.

Колхозны господарства розваляют ся.

Московска „Правда“ доносит, же тракторы в Турском районі бездійствуют, бо не маюť палива. Ведля официальных данных, доходность колхозов падат уж от року 1934.

За оден день работы колхозники доставали в 1934 р. 2,6 кг. зерна и 23 коп., в 1935 р. 0,5 кг. зерна и 29 коп., в 1936 р. 0,95 кг. зерна и 29 коп.

В минувшом року 5.401 колхозов не заплаћило колхозникам нич за работу, а 3.303 колхозы заплатили меньше, як ся належало. Колхозы не платят прето, бо не достают грошей от тых, котрым доставляють рольны продукты.

В дні 1. січня т. р. должна колхозам сума грошей выносила понад 5 миллионов рублей.

Планно розділяють рольны машины. Сут случаи, же районы зерновы достали машины для льну, а районам, где управяно лен, прислано машины для зерна. Машины стоят безчинно, бо не присылають палива, хоць бензина лежить на складах.

Приводячи тоты факты „Правда“ обвинят

районны партийны комитеты, за того, же они позволили „врагам народа“ и „шкодникам“ довести колхозы до такого стану.

В Німеччині збирають отпадкы.

Ген. Геринг, руководитель переведеня 4-ох літного господарчого пляна в Німеччині выдал заряджене, приказуюче зберати всякы кухонны отпадкы, котры мае ся перерабаты на корм для статку. Припускають, же при умілом використаню кухонных отпадков удасть ся им уладити справу выкормленя миллиона статку.

Дотепершны пробы дали добры результаты. С Лейбцига доносят, же там за три місяци потрафили собрати 34 вагоны кухонных отпадков. От жолтня минувшого року собрано и отдано до переділки 88 вагонов кухонных отпадков, котры до того часу пропадали безхосенно.

Коронация цыганского короля.

В неділю, дня 4. т. м. сошло ся моц цыганов с цілого краю до Варшавы. На Стадионі Войска Польского в присутствии 5.000 народа выбрано королем цыганскым Януша Квека. Рудольф Квек, котрый пропал при выборах, надал собі титул диктатора и не узнае нововыбраного короля.

Коронация отбыла ся с великом парадом. На середині поля перед трибунами побудовано на подвысшеню род королевской комнаты, котру прибрано карбованыма бибулками о барвах цыганских. По боках уставлено лавы для цыганских сенаторов, а на почетном місци уставлено трон, выпожиченый с театру. Также с театру выпожичено королевский плащ, котрый одіе на себе нововыбранный король.

Сенаторы в числі 17-ох одіты всі в чорны выпожичены фракы и цылиндры. При голосованю всі отдають голос на Януша Квека, котляра с Милянуска коло Варшавы и он остае выбранный королем. Выбранный король одіват на себе плащ, встае, кланят ся на всі стороны, дякуе сенаторам, подае руку другим кандыдатам, а цыгане кричат штоси, што мае значити: „най живе и пануе 100 літ“.

Тепер на подвысшене входит протопрезвитер Теодорович, котрый посвячат королевску корону и служит богослуженне. Прекрасно співат церковный хор. Король Януш прикля-

кат и на голові его появят ся королевска корона. Одновременно о. Теодорович вручат ему жезл.

В том часі дають ся чути выстрілы в честь нового короля.

Король сідат на троні и принимат цыганских достойников, котры кланяють ся низко и складають дары. Цыганки обсыпують его квітем. На том церемония кончит ся.

Король выдал зараз по коронации перше заряджене и именовал своих министров, а именно министра просвіщеня, справ внутренних, финансов, справ заграничных и колонии. Кореспондентам газет повіл, же буде стреміти, штобы цыгане достали колонию в Абиссинии, там осіли и перестали вести волокытске жите.

Не знати однак, чи потрафит он свои пляны перевести, бо родина вмерлого короля, а именно Рудольф Квек, тесть старого короля и сын того короля Рышард Квек не признають выбору Януша Квека на короля, называют его крутарем и самозванцом и приготавливают ся до борбы с ним.

Рудольф Квек и его родина маюť велике значенне серед цыганов и их угрозы могуť сильно потрясти тронем нового короля.

—000—

Украинцы хотят утворити блок меньшинства.

В политичных кругах Варшавы коментуюť живо артыкул, поміщенный в „Ділі“, котрый высунул проект утвореня блоку меньшинства и пропонуе союз с жидовскыма организациями.

„Діло“ подае, же такой блок може принести национальным меньшинствам громадны користи.

Варшавскы газеты подають, же ест то проба утворити блок с р. 1922. Але тепер условия ся змінили, бо тепер меньшинство німечке носит характер выразно против-жидовский, а склад блоку пропонованого через украинцов предвиджат жидов.

Оферта „Діла“ будит заинтересоване также и тым, же украинцы ведут тепер свою господарчу акцию — звернену выразно против жидам.

БАНДЫТЫ ПРИПЕКАЛИ СТОПЫ СВОЕЙ ЖЕРТВЫ.

В селі Виняры коло Калиша напали на одного газду бандыты и почали его бити, штобы примусити го до выданы грошей. Коли на помоч пришла жена, бандыты перевернули ю и почали припекати ей стопы росогрітым до червена желізом.

Мучена страшно жена, котрой бандыты зломилы пару ребер, вызнала наконец, же гроши сут зашиты в сурдуті мужа. Бандыты зрабовали 309 злотых и утекли.

ЗНАХОРКА ПОЛАМАЛА ДІТИНІ БЕДРА.

В одном селі коло Лодзи почал рости горб однорочной дітині місцевого господара Висневского. Занепокоена тым мати пошла с дітином до місцевої знахорки Мариины Бзерской, котра почала дітині простовати кости. В часі „простованя костей“ знахорка зломилла дітині дві бедровы кости. Знахорку арестовано.

Стадо голубов в борбы со штормом.

Вітерница затопила их в морі.

Последна буря, яка шаліла на Балтийском морі с особенным силом атаквала кусник польского побережа в місци от Карви до Геля. О розмірах урагана свідчит найлучше невістрічаний случай загнаня до моря стада голубов зложеного с 48 штук. Голубы належали до одного газды с Карвинских Болот.

Перелітаючи над берегом птахы, достали ся в воздушный вир, т. зв. „сані“, котрый порвал ціле стадо до горы а пак шмарил их на море. Над самом водом голубы потрафили ся подорвати в гору, але ударила на них паруметрова волна. С цілого стада оцілил лем оден голуб. Але и тот затонул, бо кружил он долго над тым місцем, где затопили ся его побратымы и нова волна порвала его.

Трагичной борбі стада голубов с ураганом приглядало ся пару рыбаков.

Мореский уряд начал направяти шкоды на полуострові Гель и Великой - Веси. Берег укріпят ся галузем, паликами, фашином и камнями, бо тепер приходит час сильных штормов, котры могуť оказати ся опасны, особенно от стороны открытого моря.

—000—

Румунский король Кароль в соборі на Празі Як охоронити ся перед
в Варшаві. брюшным тифом.

В неділю король Кароль и князь Михаил удали ся до метрополитарного собора св. Марии Магдалины на Празі.

У входа до церкви привитал достойных гостей министр просвіщеня Свентославский, а погодивше, митрополит Дионисий в асысті православных епископов.

В соборі митрополит Дионисий выголосил промову, в котрой подчеркнул чувства привязания и вдячности для Державы, котра дає свободу религийного розвита, а витаючи достойных гостей, высказал радость, же тоты чувства може виявити перед православным монархом.

Пак митрополит отслужил богослужение на интенцию короля, великого воеводы, князя Михаила и румунского народа.

По богослужению король и князь Михаил отіхали до дворца Лазенковского.

—000—

Господарчи клопоты французского правительства.

Нове правительство французске має до розвязания поважны господарчи клопоты. Великий бюджетный дефицит, вывоз золота за границу, непевный курс франка и чимраз частійше выступаючи конфликты на почві введения 40-годинного тыждня работы, што подносит кошты продуцции и грозит новым подвысшением цін — то справы, котры мусят быти розвязаны.

Прото ніт нич дивного, же в новом правительстві рішаче слово має министр финансов Боннет.

В першой мірі стремления французского правительства идут в напрямі опанованя финансового положения.

Борба с супружим правом в Англии.

В англицком парламенті иде тепер борба о росширене обовязуючого там права супружого. Дотепершне право супруже в Англии голосит, же развод можливый єст аж по пятих роках и же єст лем оден повод до разводу, а именно зрада одного с супругов.

Тепер парламент дебатует над росширением возможностей до одержания разводу и под увагу сут браны также такы поводы разводу:

1) Если супружество не живє с собом през три roky;

2) Звірство одного с супругов;

3) Неулічима хворота умственна, влекуча ся долше як 5 літ;

4) Отмова супружеского позитя;

5) Епилепсия (падачка) одного с супругов;

6) Хронична заразлива хворота одного с супругов;

7) Затаине через жену перед мужем передшлюбной тязи с другим мужчином.

Англиканска церков заховует в виду тых змін неутрально.

Войиа санитарных властей с сектантами.

В селах Сереховичи, Солотвины и Романово, повіта ковельского дошло до смішного конфликту меже санитарныма властями и членами секты штундыстов.

В селах тых появила ся епидемия пятнистого тифа. Як ствердили санитарны власти, розносителями епидемии были штундысты, котры согласно с приписами секты, переносили хворых, што пару дней до иншой хыжи.

До поширення епидемии причинил ся также бруд штундыстов, котры не мыют ся и старанно плекают хробацтво, твердячи, же тото приносит им счастье. Коли власти предприняли относительно сектантов остры репрессии, всі штундысты скрыли ся в сусідных лісах. Треба было зарядити на них формальну облаву, при котрой выловлено хворых и отставлено до шпиталя, где в першой мірі выкупано их и очищено с вошей.

—000—

<div>„Просит ся всіх, котры не заплатили ище пренумераты переслати ю якнайскорше выдрукованым пониже переказом“.</div>	<div>„Выкрити, выполнити и надати на почту“.</div>	<div>Na zł. <div></div> gr. <div></div></div> <div>Imię, nazwisko i adres wpłacającego:</div> <div></div> <div></div> <div></div> <div></div> <div></div> <div></div> <div></div> <div></div> <div></div> <div></div>	<div><div></div><div>PRZEKAZ ROZRACHUNKOWY</div><div>Na zł. <div></div> gr. <div></div></div><div>złotych słowami:</div><div></div><div></div><div></div><div></div><div>gr. <div></div></div><div>Odbiorca W. P. <div>Administracja</div></div><div>TYGODNIKA „ŁEMKA”</div><div>Poczta: <div>Krynica</div></div><div>Nr. rozrachunku: <div>1</div></div><div>Nr. wpłaty.....</div><div>dziień wpłaty</div><div>(podpis przyjmującego)</div><div>stempel okręgowy</div></div>	<div>Dowód nadesłania przekazu rozrachunkowego</div> <div>Na zł. <div></div> gr. <div></div></div> <div>Odbiorca W. P.</div> <div>Administracja</div> <div>TYGODNIKA „ŁEMKA”</div> <div>Nr. rozrachunku: <div>1</div></div> <div>Nr. wpłaty.....</div> <div>dziień wpłaty</div> <div>(podpis przyjmującego)</div>
--	--	---	---	--

Що чути в світі.

Жадат заплати от мужа. Француска адвокатка Марія Верон выступила с новым кличем объединения жен в цілі выворотя собі новых прав от своих мужей.

Жаданя, якы высуват она сут слідуєчи: 1) Муж має платити жені за роботу; 2) Жена ест обовязана робити лем 40 годин на тыждень; 3) Жена має мати каждого року вакації, платны через мужа; 4) Жені прислугує право до емеритуры, платной через державу. Иначе, отношеня жены до мужа мають быти оперты на основі отношень работника до работодателя. Чи такы жаданя жен приймут ся — не знати.

Пиво на години. Оден корчмар в Даллас в Тексасі придумал орыгинальный способ притягнення гостей. Он заявил своим клиентам, же буде продавати пиво на години. Отбыват ся тото так: Входячи до корчми купує ся за 60 центов билет, на котром ест означена година. От того часу має ся право через годину выпити тилько пива, килько лем може и захоче. Если по годині, ктоси хоче дальше пити, мусит выкупити новый билет.

Дітина спасена чудом. В одном селі Злученых Держав притрафил ся незвычайный випадок. Баба прала лахы на ріці, а недалеко на траві лежала овинена в колдерку ей дво-місячна дітина.

Нагло баба услышала голосный шум крыл, обозрела ся и с переражением спостерегла, же величезный орел уносит в клюві ей дітину. Не помогли крикы людей, орел полетіл в горы. Минуло пару годин. Мати оплакала уж свое отроча, коли нагло повідомлено ю, же о парудесят кильометров от місца приключения найдено на скалі дітину. Была цілковито здрава, весела и не мала жадных слідов задрапаця.

Молодыа мають разом 22 roky. В Призрен, на границі Альбании и Югославии отбыло ся недавно орыгинальное весіле, бо молода мала есього лем 10 літ, молодой был от ней о 2 roky старший. Обоє молодыа сут магометанами и ходят ище до народной школы.

Пиякы голосуют за заказом питя и продажи алькоголю. Во всіх Злученых Державах Полн. Амерыкы, а ест их 48, было заказане продавати и пити алькогольовы напитки. Пак по 14-ох роках заказ тот знесено в році 1933.

в 36-ох державах, а ище походивше в 7-ох державах: В инших 5-ох державах заказ тот ест удержанный до тепер.

До таких держав належит и Миссисипи. Там пиво, вино и палюнка сут заказаны. Але помимо того шот там вшиткы и трафят ся часто, же добре подпиты люде идут до выбирательных будынков и голосуют за удержанем заказау питя и продажи алькоголю.

Вісти с краю.

Подешевіли сірники. Акційне Товариство для експлоатации державного сірничного Монополия в Польці доносит, же от 1. липня 1937. року подешевіют сірники о 20%, в виду чого пуделко сірников, котре дотепер коштowało 10 грошей, буде коштувати 8 гр., а пуделко мале, за котре платило ся 5 гр., буде коштувати 4 гр.

Забил жену в Суді. В окружном суді в Тарнові Петро Кулис, ждучи на корытарі на распочате судовой сепарацийной расправы, почал ся вадити со своей женом 31-літним Стефаниом и старал ся ю нагварити до погоды. Коли она категорычно заявила, же не буде дальше с ним жити, он вынял револьвер и стрілил ей в голову. Убийцу обезоружено и арестовано, а жену в безнадійном стані отвезено до шпиталя.

ВАЖНЕ ДЛЯ ДЯКОВ.

Повідомляю интересованных кандидатов на дяков, а также неиспытанных дяков, желающих здати испыт, што

дня 16. серпня 1937 открываю
3—4 МІСЯЧНЫЙ КУРС ДЯКОВСКИЙ.

По окончению курсу кандидаты поддадут ся испытыви в Мысцові перед Комисном делегованом через Апостольску Администрацию.

Платня за науку 15 злотых місячно. По близши информации звертати ся под адр.

МИХАИЛ ФЕЦИНА

пів. церк.

МЫСЦОВА — почта Жмигород.

В прекрасной горской курационной местности повіта горлицкого иде на продаж

НОВА ВИЛЛЯ

о 5-ох покоях с верандами и сутерынах.

В кухні водопроводы. Вилля умебльована. До виллі належит яринный огород и 2 моргы управленого и засіяного поля. Полный инвентар господарский живой и мертвый.

Близши информации у настоятеля

РУСКОЙ БУРСЫ В ГОРЛИЦАХ.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ

ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

за асекурує ся
в асекураційном Товаристві
ВИТА И КРАКОВСКЕ
во **ЛЬВОВІ**

Асекурацію принимают на цілой Лемковщині
представителі: гг. Осиф Ямовицкий — Крыница - Село
и Михаил Перелом — Сянок.

Miejsce dla pisemnych wskazówek, dotyczących tytułu wpłaty oraz ok-
resu, do którego wpłata się odnosi. Korespondencja, zawierająca treść
inną, podlega opłacie przez naklejenie znaczka pocztowego w wysokości
opłaty taryfowej.

Nr. Listy rozrachunkowej

wpisał

sprawdził

Nr. listy rozrachunkowej

dzień
nadania

(podpis sprawdzającego)

„Выкрити, выполнити и надати на почту”

Адресовати до администрации „Лемка”
Крыница.

КУПЛЮ ВЕЛИКУ И ЛЮСТРОВАНУ БИБЛИЮ
О. МАЩАКА.

Отвіт. редактор: Гарас
Громосяк в Крыниці.

Типография А. Гольдмана
во Львові, Сикстуска 19.